



Universitätsbibliothek Paderborn

Decisiones Practicæ Casuum Conscientiæ Selectorum In Praxi, Et Foro Interno Quotidie Occurrentium, Omnibusque, Præsertim Ecclesiasticis, Qui Sui, Et Aliorum Curam Gerunt, Perutilium, Resolutorum

Pars Altera Decisionum Practicarum Casuum Conscientiæ Selectorum In
Praxi, Et Foro Interno Quotidie Occurrentium, Omnibusque, Præsertim
Ecclesiasticis, Qui Sui, Et Aliorum Curam Gerunt, Perutilium, Resolutorum

Leonardelli, Bonaventura

Augustæ Vindelicorum ; Græcii, 1739

Q. 3. An uxor sciens maritum esse voto castitatis obstrictum possit, aut
teneatur debitum petenti reddere?

urn:nbn:de:hbz:466:1-41144

Ad 2. dist. min. est debitor ita, ut teneatur se prodere, & spoliare, n. est debitor eo in sensu, ut scilicet conjux innocens delicti conscientia possit se absolvere ab obligatione reddendi, C. sic qui fregit contractus fidem, est debitor pœnae conventionalis, non tamen ita, ut teneatur illam offerre, sed ad eum sensum, ut alter jus habeat ab illo exigendi.

Ad 3. n. min. tenetur enim eo usque reddere, donec innocens adulterii conscientia se ab ea obligatione absolvat; nam ante talēm absolutionem seu exceptionem non est sua possessione spoliandus.

Ad 4. n. in casu adulterii legem esse purè privatam, statimque incurri, hoc ipso, quod adulterio privetur jure exigendi debitum in pœnam sui delicti; adeoque pœnalis sit, seu potius conventionalis, ut dictum est suprà, quæ non debetur ante sententiam Judicis, vel faltem antequam pars ipsa petat.

448 Ad 3. Q. An uxor sciens matrimonii votum castitatis obstrictum esse, possit, aut teneatur debitum reddere, quidam existimant, quoties conjux graviter delinquit exigenendo, toties similis culpa reum esse conjugem redditentem, atque adeo nec posse, nec teneri reddere, sed reddendo graviter peccare. Rationem dant i. Quia talis non habet jus exigendi, sed petit in iuste,

hoc ipso, quod ipsa exactio peccaminosa sit, si enim jus haberet, & iuste peteret, exactio illa immunis esset à culpa: ergo & reddens similiter peccat, cùm reddendo alterius peccato cooperetur, & consentiens redditioni, consentiat petitioni, seu peccato exigentis. 2. Quia conjugi debitum petenti in loco sacro per se non licet illud reddere, quamvis suum petat, & solius sacrilegii sit reus: ergo neque licebit, quando adversus alias virtutes delinquit, cùm non sit major ratio, & voto castitatis ligatus id petens crimen quoque sacrilegii admittat. 3. Quia bonum spirituale conjugis præstat corporali: ergo si petenti cum notabili damno corporali proprio, aut alieno v. g. prolixi, debitum reddendum non est, à fortiori reddendum non erit, quando petens incurrit damnum spirituale petendo. Alii è contraria, idque probabilius cum Diana p. 3. tr. 5. R. 196. & Bonac. de matr. q. 4. pun. 3. Petr. Soto lect. 16. de matr. Sanch. l. 9. D. 6. Coninch. D. 34. dub. 4. Laym. l. c. aliisque, arbitrantur, & petere posse, & etiam reddere teneri alteri conjugi petenti; quia per votum non amisit dominium corporis alterius conjugis per matrimonium acquisitum, sed tantum peccat exigendo in ordine ad Deum, cui si dem voti violat: ergo conjux, à quo exigitur, tenetur ex Justitia reddere: sicut si nummos apud alterum à se depositos peteret ad for-

fornicandum; Quod enim non semper, quoties peccat conjux petendo, delictum sit reddere, aut eximatur ab obligatione reddendi, passim docent AA. cum S. Th. A. bul. Major. Adrian. Petr. Soto. Sanch. Palao Covar. quorum ultimus 4. decret. 2. p. c. 3. §. G. n. 6. duo hæc affert exempla. 1. si vir, inquit, affectu fornicatio velit uxorem cognoscere, & ita exigat, lethaliter peccabit: at uxor reddere tenebitur. 2. Si vir existimans matrimonium esse irritum ob impedimentum dirimens, petat; reus est culpa mortalis: at uxor certò sciens impedimentum non subesse, non potest debitum negare. Et ratio ulterior est, quia reddens debitum non cooperatur peccato exigentis formaliter; quia tantum cooperatur actui ex sua natura licto conjugatis, & quem ipse debet alteri reddere, quamvis aliunde sit peccatum in altero conjuge exigente: at reddens non cooperatur petitioni alterius, sed eā suppositā cooperatur copulae, quæ licita est, & à se debita, quod inde confirmatur; quia nec cooperatur directè, hoc ipso, quod non incitet alterum conjugem ad petendum, nec indirectè; quia neque potest peccatum exigentis vitare, cum res propria à vero Domino exigatur, quam lex Justitiae Domino reddi postulat; neque tenetur peccatum illud evitare; quia pravus finis, vel malitia alterius petentis non vitiat in se actum,

R. P. Leonardelli Soc. Jesu.

nec afficit redditionem, quæ sola est actus reddentis, ut adeò non appareat, unde impedire teneatur illam exigentis malitiam, præsertim, cum non frustrà timere possit alterius conjugis indignationem, odium, discordiam, & fortè incontinentiam, ni ejus excitatæ jam concupiscentiae obsequatur. Fatientur tamen, quoties conjux, à quo debitum exigitur, potest commodè absque timore odii, indignationis, & incontinentiæ alterius conjugis peccantis mortaliter exigendo, & absque suo damno id impedire, teneri illum ex præcepto correctionis fraternali ad alterum à peccato avertendum, eò quod charitas exigit, & obliget ad proximum à peccato retrahendum, ubi id commodè fieri potest.

Porro ad dignoscendum, sit ne 449 culpa, nec ne debitum reddere, ubi petens exigendo delinquit, has tres regulas communiter statuunt DD. cum Petr. Soto citt. lesl. 16. de matr. in fin. Covar. l. c. §. 1. n. 6. Sanch. citt. l. 9. D. 6. n. 7. Coninch. D. 34. dub. 4. Palao D. 3. de spons. pun. 5. §. 11. Laym. l. 5. tr. 10. 3. p. c. 1. Henriq. l. 11. cap. 15. Prima. Quando culpa petitioni conjuncta provenit ex circumstantia, tenente se ex parte solius petentis, v. g. si petat, ob malum finem, vel sit voto castitatis astriclus, tunc non tantum petitioni annuere potest, sed etiam reddere tenetur, nisi

Qqq forte

fortè ille jure petendi privatus sit, ut sit per incestum, & adulterium; nam si incestuosus, vel adulter, qui etiam voto castitatis obstrictus est, debitum petat, ipsi negari potest; imò verò frequentius in tali casu ex charitatis lege negari debet. Aliud verò est in casu, quo coniux jus petendi integrum servat, & solùm contra virtutem Religio-nis peccat, v. g. si voto continen-tiae absque conjugis consensu se astrinxerat, tunc reddendi neces-sitas incumbit, si instanter petatur; quia, ut suprà dictum est, ligatus vo-to castitatis non amisit dominium corporis per matrimonium acqui-situm, sed petens tantum peccat aduersus Deum, cui fidem violat: ergo tenetur coniux ex Justitia pe-tenti reddere rem suam, sicuti si nummos apud te depositos habe-ret, & Deo promittere non ex-a-cturum, si postmodum exigeret, tu obligatus essem concedere, quia ex promissione Deo facta nullum jus illos retinendi acquisivisti. Ergo similiter in posito casu. Secunda regula: quando culpa petitioni annexa provenit ex circumstantia tenente se ex parte actus conjugalis, seu tali, quæ ipsum actum exter-num vitiet, tunc ordinariè illicitum est reddere, peccasque reddendo, prout alter delinquit petendo, v. g. si petat in loco sacro, cuius scilicet sanctitati talis actus per se repugnat, in loco publico, utpote qui honestati naturali adversatur, vel petat cum periculo abortus,

vel damni prolis, ad cujus bonum actus ille suapte natura ordinatur, vel tui, aut petentis gravis nocu-menti; tunc enim ipsa redditio eandem habet malitiam, quia sicut petitio afficitur pravâ illâ circum-stantiâ, ita, & redditio; utrōque enim polluit locum sacrum, ad-versatur honestati, estque in da-mnum tertii, &c.

Dixi *Ordinariè*; quia necessitas interdum excusat à culpa, vel ut-rumque, vel solùm reddentem; nam aliquando ex negatione debiti timeri possunt graviora mala, quām ex ejus concessione, in quo casu jam petita copula illicita non erit, ut notant Palao, & Laym. l. c.

Tertia regula est, quando ex-actio aut petitio debiti est solùm culpa venialis, tunc reddere nulla est culpa saltem ordinariè, quia or-dinariè adest causa excusans red-denrem à veniali, v. g. ne uxor ma-rito petenti displiceat, ne exciten-tur odia, & discordia inter conju-ges, ne absque sua culpa privetur jure reddendi &c. quo in casu ple-rūmque etiam obligari ad redde-nendum affirmant Petr. Sotus, l. c. Sanch. l. c. Navar. Laym. & alii.

Ad argumenta porrò suprà pro-prima sententia allata responderi potest.

Ad I. R. petentem per votum non amisisse jus corporis alterius acqui-

acquisitum per ipsum matrimonium, sed petere iustè duntaxat quoad debitum modum; to enim iustè dupliciter summi potest, 1. quatenus petens non habet jus in re petita, ut si petat alienum; & tunc reddi non debet, 2. quatenus petens debitum modum non servat, licet jus habeat in re petita, ut contingit in posito casu; & tunc reddendum est, & reddendo non cooperatur formaliter ad peccatum, nec ille actus est consensus cooperationis, ut suprà indicatum est.

Ad 2. disparitas est, quod in illo casu circumstantia vitians teneat se ex parte ipsius actus, qui sanctitati loci facri repugnat, in altero autem casu tenet se ex parte solius petentis, ut patet ex dictis in prima, & secunda regula communiter recepta.

Ad 3. n. c. quia damnum temporale non est in hominis potestate vitare, sicuti est spirituale; quod si sit in illius potestate, ut dum quis petit gladium ad se vulnerandum, vel occidendum, infert sibi damnum circa corpus, in quod nullum habet naturale dominium in ordine ad illum usum vulnerationis, mutilationis, aut interfectionis: at ubi solum est damnum spirituale, illud est circa animam, cuius homo dominium morale habet, cum illam Deus reliquerit in manu consilii sui, ut notat citt. Sanch.

Ad 4. Q. an ab obligatione red. 45•
dendi debitum conjugale excusat conjuges gravis difficultas, quam habent in alendis filiis, si multiplicentur? R. si conjuges inter se convenient abstinere à copula conjugali, ne proles multiplicetur ob dictam difficultatem, nullum tunc erit peccatum abstinere, ut docent Navarr. in man. c. 16. n. 33. Palud. in 4. dist. 31. q. 3. a. 2. S. Antonin. par. 3. tit. 1. c. 20. §. 6. Sanch. D. 25. n. 1. Laym. l. c. n. 6. aliisque communiter. Verum difficultas & controversia est inter DD. an secluso pacto alter possit debitum negare petenti, ne filii multiplicentur ob dictam difficultatem eos allevandi. Ubi

Rodriq. sum. c. 243, concl. 1. Sotus in 4. d. 32. q. unic. a. 1. Sanch. l. 9. citt. D. 25. n. 3. Diana par. 3. tr. 4. R. 213. & part. 9. tr. 7. R. 3. vers. verum. Eman. Sà verb. debitum n. 8. Petr. Ledesm. de matr. q. 64. a. 1. Gasp. Hurtando D. 10. de matrim. difficult. 12. aliisque censem, cessante incontinentiae periculo nullam culpam mortalem committi in ea debiti negatione, imò non nulli cum Sanch. nullum peccatum, nec veniale, agnoscunt ea de causa debitum negare.

Moventur 1. quia in aliis etiam debitibus solvendis excusat magna incommoditas, & difficultas: cur ergo non etiam in hoc excusat?

Qqq 2 2. Non